

ՖԵՐՄԱՆ ԵՎ ՆՐԱ ՄԵԾ ԹԵՌՈՒԵՍԸ



Պիեռ Ֆերման, որ ապրել է Լյուդովիկոս 14-րդի և դը Արտանյանի ժամանակների ռոմանտիկական ֆրանսիայում, մասնագիտությամբ իրավաբան էր, իսկ որպես սիրող՝ խոշորագույն մաթեմատիկոս։ Նա սովորություն ուներ նաև նշումներ կատարել իր կարդացած գրքերի լուսանցքներում, որոնցից մեկը նգրգ երրորդ դարի Ալեքսանդրիացի հույն հանրահայտ մաթեմատիկոս Դիոֆանտի «Թվաբանություն» էր։ Այնտեղ Ֆերման անդրադառել էր $xn + yn = zn$ տեսքի հավասարմանը և նշել, որ երկուսից մեծ ո բնական թվերի համար այդ հավասարումը լուծում չունի։ Նաև ավելացրել էր, որ այդ փաստի ապացուցումը անչափ հետաքրքիր է, բայց երկար, ինչի պատճառով չի կարողանում շարադրել կարդացած գրքի լուսանցքներում։

Ֆերմայի նշած այս փաստը, որ հետագայում կոչվեց Ֆերմայի Մեծ թեորեմ, չափազանց հետաքրքիր էր, և իր վրա բներեց ապագա սերունդների բոլոր մաթեմատիկոսների ուշադրությունը։ Դրանով սկսեցին զբաղվել ոչ միայն մաթեմատիկոսները։ Տասնութերորդ դարի շվեցարացի խոշորագույն մաթեմատիկոս Լեոնարդ Էյլերը կարողացավ թեորեմն ապացուցել $n = 3$ և $n = 4$ դեպքերի համար, որին հետևեց ֆրանսիացի մաթեմատիկոս Ադրիեն Լեժանդրի ապացուցումը $n = 5$ դեպքի համար։ Արդեն տասնիներորդ դարում ֆրանսիացի մաթեմատիկոս Գարբիել Լամեն Ֆերմայի Մեծ թեորեմն ապացուցեց $n = 7$ դեպքի համար։ Դրանից հետո 1847-ին Փարիզի ակադեմիայի նիստերից մեկում Գարբիել Լամեն հայտարարեց, որ ինքը ավարտում է Ֆերմայի Մեծ Թեորեմի ապացուցումը։ Դրան հետևեց նաև խոշորագույն մաթեմատիկոս Օգյուստեն Կոշիի հայտարարությունը՝ նույն բովանդակությամբ։ Հետևեց մրցավագը ֆրանսիացի այս երկու մաթեմատիկոսների միջև։ Նրանք սկսեցին տպագրել իրենց ապացույցների առաջին մասերը՝ դեռևս առանց վերջնական ապացուցումը ունենալու։ Սակայն դրանցում գերմանացի մաթեմատիկոս Էռնստ Կումմերը սխալներ գտավ։ Երկու մաթեմատիկոսներն էլ թույլ էին տվել միևնույն սխալը, ինչից հետո նրանք դադարեցրին իրենց հրապարակումները։

Սակայն այս պատմությունը դրանով չափարտվեց և շատ հետաքրքիր ընթացք ստացավ։ Ասում են, թե գերմանական Դարմշտադու քաղաքի համալսարանի պրիվատ-դոցենտ և միաժամանակ հարուստ գործարար Պաուլ Վոլֆսկելը, որի սերը մերժել էր մի հնայիշ օրիորդ, որոշում է վերջ տալ իր կյանքին։ Բայց հանգամանքների բերումով նրա ձեռքն է ընկնում Կումմերի այն աշխատանքը, որ նվիրված էր Ֆերմայի Մեծ թեորեմի Կոշիի ապացույցի հերքմանը։ Խնդիրը հետաքրքրում է Վոլֆսկելին։ Երկար խորհրդածություններից հետո նա սխալ է

հայտնաբերում հենց Կումմերի հոդվածում:

Վոլֆսկելը այնքան է ոգևորվում իր այդ հաջողությամբ, որ մռանում է ինքնասպան լինելու և գիավանաբար, նաև իրսիրո առարկայինասին և սկսում է զբաղվել Ֆերմայի Մեծ թեորեմով, բայց լուրջ հաջողությունների չի հասնում: Երբ 1906 թվականին մոտենում է կյանքին իրաժեշտ տալու պահը, նա զարմանալի մի կտակ է թողնում, որն իրատարակում է Գյոթինգենի գիտությունների ակադեմիան: Ահա այճ՝ 100000 գերմանական ֆրանկ նրան, ով առաջինը կապացուցի Ֆերմայի Մեծ թեորեմը:

Դարկ է նշել, որ այդ գումարը, արդեն դարի վերջի հաշվարկներով, կազմում էր շուրջ մեկ միլիոն անգլիական ֆունտ ստերլինգ: Այս հայտարարությունից հետո մրցավազքը Ֆերմայի Մեծ թեորեմի ապացուցման ուղղությամբ նոր թափ է ստանում: Սակայն բոլոր փորձերը ապարդյուն են անցնում: Այդ ժամանակներում էլ մաթեմատիկոսների շրջապատում առաջացավ կիսարհամարհական մի մականուն՝ ֆերմիստ, Ֆերմայի Մեծ թեորեմի ապացուցումով անարդյունք զբաղվողներին բնութագրելու համար:

Միգուցե այդ բնութագրումն էր պատճառը, որ Վոլֆսկելի կտակից հետո Ֆերմայի Մեծ թեորեմի լուծնան ուղղությամբ թեև սիրողական փորձերի հեղեղին, երկար ժամանակ լուրջ մաթեմատիկոսների կողմից անդրադարձ չէր նկատվում:

Եվ ահա 1993-ին անգլիացի մաթեմատիկոս Էնդրյու Ուայլսը քենքրիջի համալսարանում կազմակերպված մաթեմատիկական կոնֆերանսում հայտարարեց, որ ինքը լուծել է Ֆերմայի Մեծ թեորեմը և շարադրեց իր լուծումը: Ունկընդիրներին չհաջողվեց որևէ սխալ հայտանբերել թերված ապացույցում: Բայց Երբ Ուայլսի աշխատանքը արդեն գտնվում էր տպագրության փուլում, իր ընկերներից մեկը սխալը գտավ նրանում: Այնուամենայնիվ, որոշ ժամանակ անց Ուայլսին հաջողվեց ուղղել այդ սխալը նույնպես, և ահա 1995-ին տպագրվեց Ֆերմայի Մեծ Թեորեմի վերջնական ապացույցումը:

Իր՝ Ուայլսի մոտ այնքան մեծ էր ֆերմիստ կոչվելու վախը, որ նրա շրջապատում ոչ-ոք չգիտեր, որ ինքը զբաղվում է Ֆերմայի Մեծ թեորեմով: Ոչ-ոք, բացի կնոջից: